

Vigil.
4
H

D. D.

DISSESSATIO BOTANICO-MEDICA

DE

VIOLA
IPECACUANHA,

QVAM,

Venia Experient. Facult. Medicæ,
In Reg. Acad. Upsaliensi,

PRÆSIDE

Viro Nobiliss. atque Generosissimo

D:NO DOCT. CAROLO
V. LINNÉ,

S. R. M. ARCHIATR. EQ. AUR. DE STELLA POL. MED. ET BOTAN.
PROF. R. O. ACAD. PARIS. PETROPOL. IMPER. N. C. HOLM. UPS.
LOND. ANGL. FLOR. BEROL. MONSP. TOLOS. BERN. EDINB. ROTER.
NIDROS. CELL. PHILADELPHI. ZELAND. MEMBRO. ET EDINB. ASS.

Publicæ Ventilationi Offert

AUCTOR

DANIEL WICKMAN,

Caroli-Coronensis.

In Aud. Carol. Major. d. 16. Decembris, 1774.
Hortis A. M. Solitis.

UPSALIÆ,
Typis EDMANNIANIS.

4973

C. 2

176

B5

S:AE R:AE M:TIS:
SUMMÆ FIDFI VIRO,
REGIS REGNIQUE SVECIAE.
SENATORI,
ACADEMIÆ UPSALIENSIS CANCELLARIO,
OMNIUM ORDINUM REGIORUM
EQUITI ET COMMENDATORI,
EXCELLENTISSIMO ILLUSTRISSIMOQUE
COMITI AC HEROI
DOMINO CAROLO
RUDENSCHÖLD,

SACRUM.

Lectori.

Ne mini mirum videatur, me hoc tritissimum Medicamentum, Ipecacuanham, quod omnibus Medicis notum est & quotidie usurpatur, dissertatione Academica illustrare voluisse, praesertim cum nihil fere dicere queam, quod non a multis Medicis & Materiae medicæ scriptoribus, iisque doctissimis, dictum sit prius. Adeo enim hoc est efficax atque heroicum, utpote quod, rite adhibitum, rarissime spem fallit; unde mibi dignissimum videtur, quod præ aliis multis excolant & ratione originis explorent Medicinæ alumni. Hoc igitur pharmacum, buc usque a Botanicis satis neglectum, neque adeo omnibus adcurate cognitum, breviter describere constitui.



De prima Ipecacuanhæ origine seu detectione non operose disseram, cum hanc optimus materiaæ Medicæ scriptor *Geoffroi Mat. med. tom. 2. p. 89.* adeo dilucide exposuerit, ut non nisi paucissima addenda videantur: "Ipecacuanha, inquit, est præstantissimum Dysenteriæ remedium, in novo orbe repertum, circa medium seculi præteriti; descriptum fuit a *Guilielmo Pisonne* in sua Indiarum historia, a quo tum & a *Marcegratio* e Brasilia in Europam delatum fuerat. Altis tamen tenebris obsitum, & in Gallia nostra incognitum remanserat, ad annum circiter 1672, quo cum *D. Legras Medico*, qui ter Americam peragraverat, Lutetiam pervenit. Verum illius virtute nondum comperta satis, per plures annos oblivioni traditum fuerat, usque dum circa annum 1686, a peregrino quodam mercatore *Garnierio* dicto, iterum huc allatum est. Cum autem vires illius singulares ab hoc mercatore prædicarentur, ab *A. Adriano Helvetio*, Facultatis Rhemensis Medico, in usum feliciter evocatum est; ab eoque tantum thesaurum fibi & civibus comparare voluit *Ludovicus Magnus*, cuius munificentia publici juris factus est Ipecacuanhæ usus.

Plures Ipecacuanhæ constituit species, *Fuscam*, *Albam*, *Peruvianam* seu *Cinereum*, quibus addit *Virginianam*, *Canadensem* & *Americanam*. Improptie dictas Ipecacuanhas, ut *Virginianam* seu *Spiræam trifoliatam*, *Canadensem* seu *Euphorbiæ ipecacuanham* & *Americanam* seu *Pforaleam glandulosam* lubens prætero,
Fusca-

Fusca tantum explicaturus ipecacuanham in pharmaco-polii nostris ordinariam.

Descriptio.

Radix est filiformis, subannulata, annulis elevatis a-spera, pulposa, dilute fusca vel cinerea, friabilis, resino-fa, nervo medullari longitudinali, densa & dura.

Ex America australi nempe Brasilia, Peru & Mexico quotannis magna copia in Europam asportatur.

Botanica.

Ad plantam hanc recte cognoscendam Botanici recentioris ævi multam adhibuerunt operam, cum descrip-tio & delineatio Marcgravii seu Pisonis insuffientes pa-rum lucis adferant.

Marcgrav. bras. p. 17. Ipecacoanha.

Piso bras. p. 101. Ipecacuanha. Uterque & Marcgra-vius & Piso flores ipsi albos tribuit & baccas rubras aut fuscas, eandemque ponit uterque figuram.

Rajus in historia 1. p. 669. hanc existimat *Paridis* speciem.

Plukenet. alm. p. 288. Periclymenum parvum.

Moris. hist. 3. p. 535. Lonicerae speciem faciunt: nemini ex his forte fuit visa.

N. D. Præses in *Horto Cliffortiano* p. 486. OURAGOGA: Specimen reperit Ipecacuanhae exsiccatum, quod ibidem ita describitur: *Cal.* Perianthium quinquepartitum, laciiniis lanceolato-linearibus, æquale, perlistens. *Cor.* quinquefida. *Stam.* quinque. *Pist.* Germen intra calycem & corollam. *Styli* numero incerti. *Per.* Bacca subrotunda, unilocularis, calyci insidens, umbilicata. *Sem.* tria, ossea, hinc gibba; inde angulata, approximata in globum, u-nilocularia, singula sex sulcis exarata. *Radix* longissima. *Caulis* rarissime ramosus, decumbens, inferne nudus. *Folia* versus apicem caulis opposita, obversè oyata, utrin-

que acuta, scabra, subtus pallidiora, duorum pollicum latitudine, internodiis caulis vix pollicis longitudine.

Barrer. æquin. p. 113. VIOLA grandiflora, Veronicæ folio villoso. Hic primus est, qui ad genus VIO-LÆ eam retulit, cuius hæc est descriptio: "Planta hæc, "cujus hactenus ignotus exstitit character, adeo quoad "partes suas essentiales VIOLÆ est similis, ut hanc ab il- "la separandam non crediderim. Flos ejus albus, tripe- "talus: Petala duo superiora, alarum nomine haud ine- "pte insignienda, sunt admodum angusta, pollicaria, fal- "cata, se uniendo labium emarginatum referentia, & fe- "re penitus intra calycem inclusa. Petalum inferius ma- "ximum, unum digitum & duas lineas in latitudinem, "septem vero lineas in altitudinem protenditur; insertum "fundo calycis cauda quinque lineas longa, antrorsum ca- "dit collaris instar, separatum autem a ceteris floris par- "tibus, faciem quodammodo tuditis præ se fert. Calyx "parvis obsitus est pilis, ad basin usque in partes quin- "que, longitudinis fere quinque linearum divisus, & Pi- "stillum quatuor lineas longum, tectum staminibus flaviu- "sculis, parvas antheras gestantibus. Marcescente flore, pi- "stillum hocce fructus evadit seu Capsula ovalis, acumi- "nata, primum viridis, postmodum albida, quæ matu- "rescens in tres partes ad apicem dehiscit & semina plu- "ra, parva, alba, rotunda, seminibus Oxyos luteæ similli- "ma habet. Folia plantæ hujus venis eleganter intexta "et pilis tam circa margines quam subtus conspersa, fo- "liis Pulegii comparat Piso, sed accedunt proprius simili- "tudine ad folia Veronicæ masculæ. Leniter agit hæc "planta, ut teste ipso Pifone eam infantibus atque foemi- "nis uterum gestantibus propinare liceat.

Allamand, Chirurgus & Botanicus curiosus, qui Su- rinamum sæpius adiit, in litteris ad N. D. Præsidem da- tis, illam ut veram Violæ speciem descripsit: *Caulis est fi-*
lifor-

liformis, serpendo scandens sepes. Folia alterna, remota. Pedunculi solitarii, uniflori, articulati, incrassati: Bracteis 2, minutis. Calyx postice minime protrusus. Corolla alba: Petalum supremum incumbens maximum, hinc corolla quasi ringens galea trifida. Pet. lateralia ascendentia. Petala infima minora deorsum flexa, horum supremum postice exit in nectarium seu calcar longissimum, contortum. Stamina 5, horum 3 anteriora sterilia; 2 posteriora fertilia.

Vandelli, Professor historiae naturalis Ulyssiponensis, edidit Fasciculum 1771. 4to, ubi venustam exhibet figuram Violæ ipecacuanhae, secundum plantam vivam, quam in horto suo seminavit atque excoluit. Cum vero hic libellus non ubique forte sit notus, descriptionem heic adjiciam.

POMBALIA ipecacuanha. Vandell. fascie. 1771. p. 7.
tab. I.

Habitat in Brasilia. h.

Radix fibrosa (sed diversam satis pingit ab Ipecacuanha officinali), alba, ramosa.

Caules bipedales, erecti, teretes, laves, ramosi.

Folia alterna, petiolata, elliptica, argute serrata, glabra.

Petioli brevissimi: Stipulis binis, scariosis, lanceolatis, carinatis, aristatis, pilosis.

Flores laterales, solitarii, pedunculati, cernui; pedunculo foliis multo breviore.

Bracteæ in medio pedunculo binæ, brevissimæ, lanceolatæ, apice pilosæ.

Calyx pentaphyllus, margine muricatus.

Petalæ quinque, alba: duo calyce breviora, linearia; duo paulo longiora, reflexa, emarginata; unum maximum, retusum, latum, basi gibbum absque calcari, subtus pubescens. Reliqua vide Vand. l. c.

Ex omnibus hisce recentiorum descriptionibus patet Ipecacuanham speciem esse *Violæ*, sed diversas simul species esse descriptio D. Allamandi & Vandellii monstrant, unde fortassis orta est differentia, quam inter Ipecacuanham fuscam & albam Medici constituant. Interim eundem præstant effectum, ut in aliis plerumque fit planitarum Generibus & familiis. Novimus etiam ipsas Violas nostras perennes eandem fere vim vomitoriam radicibus habere inditam, ut infusæ *ārā nūrā* sapius purgent.

Priorem Ipecacuanham Pisonis & Ouragogam N. D. Præsidis eandem forte speciem esse caule decumbente probabile videtur, perinde atque eadem Pisonis & Barreri species est foliis villosis. Calcar longum corollæ in flore Allamandi (calcari longissimo) species sine dubio diuersa est a Pombalia Vandellii quæ calcari destituitur: præterea nec Piso, nec Marcgravius calcar nominat aut delineat, quod minime præterire potuissent si illud observasent. Atque hæc fuit causa cur N. D. Præses in Syst. Naturæ edit. 13. p. 669 Ipecacuanbam Barreri a *Viola diandra* Allamandi distinxerit.

Violæ maxime adfines sunt Lobeliis. Lobeliae illæ quæ a Cel. D. Prof. Bergio Cyphiæ dicuntur habent corollam quinquepartitam s. pentapetalam, ut difficulter dignoscantur Lobeliae ab ipsis *Violis* quæ absque calcari sunt, quales variæ occurrunt Capenses. Quam venenatæ sint Lobeliae, Lobelia longiflora suo exemplo docet, de qua Jaquin. Americ. p. 220 *).

Hæc

*) Tota, inquit, planta venenosissima. Interne sumpta Hyperactharin crest, nullis remediis cedentem, tandemque lethalem. Equis hanc si commederit, rumpi medius fester, unde Americanis equorum disruptor seu rebenta Cavallus.

Hæc ipsa qualitas venenata aliquantulum temperata in affine ejus Ipecacuanha operatur. Vomitoria enim & purgantia sunt naturæ inimica, quæ noxia motibus convulsivis e corpore expellere conatur. Si venenum hoc statim in ventriculo soluitur, fit Vomitus: Si vero in intestinis tandem solutum fuerit, Purgans evadit. Adeoque ubi præscribitur, evacuantur primæ vitæ & simul contenta ejiciuntur maligna, quæ in ventriculo hærent.

Geoffroi radicem Ipecacuanhæ fuscæ duplo majorem Gummi quam Resinæ quantitatem continere, sed vim ejus Resinosam potenter, Guimmosam vero leniter agere demonstrat. Guimmosam quoque partem ad Dysenteriam curandam plus conferre existimat ille, quam resinosam, quod tamen, nec sine causa, in dubium trahitur.

Dosis Ipecacuanhæ communiter a scrupulo uno ad drachmam semis numeratur; sed sæpe longe minori dosi parem exserit effectum. Sumimus itaque Pulveris ipecacuanhæ scrupulum unum aut ultra, Tartari Tartarisati Grana octo, Aquæ fontanæ unciam semis, quæ inter se miscentur, unde æger cochlear i. haurit ad octavam quamque horæ partem, usque dum vomitus subsequitur, qui sic hypercatharsin excitare nequit.

Radicem diu pulverisatam Pharmacopolæ, si conservare rite voluerint, intra vitra asservent clausa, ne vis præcipua evolet, quin & radix ipsa optime vasis clavis asservanda. Cavcant operarii pharmaceutici, ne, dum in pulvrem Ipecacuanha redigitur, pulvisculos volitantes halitu attrahant: sic enim facile Anginam, Hæmoptysin, Asthma, Hæmorrhagiam contrahunt, quæ tamen mala per se intra biduum cessant.

Radix vomitorium est inter detecta hucusque tu-

tissimum atque mitissimum, unde præ ceteris commen-

dari & tenerimis etiam infantibus propinari potest. Præterea per fecesum leniter purgat, ubi ad intestina fuerit perventum.

In dissertatione de *Purgantibus indigenis*, N. D. Præses Violas quidem & quasvis violæ radices loco Ipecacuanha tentandas proponit. Nemo autem, quantum scio, hujus rei experimenta fecit præter Cel. Prof. Bergium, qui optimo eas adhibuit successu. Mihi vir Clarissimus narravit, se ex eadem planta tam viva, quam marcelcente, infusum obtinuisse aquosum, quod mucilaginosum est, odore propemodum aurantiorum, quodque post unum vel alterum vomitum etiam alvum purgat. Explanata vero sicca infusum minus mucilaginosum evadit, minime emeticum & parum laxans.

QUALITAS. *Sapor* hujus radicis est nauseosus, americanus & leniter pungens.

VIS. Emetica! sudorifera; corroborans & adstringens.

USUS ejus præcipuus fuit atque etiam nunc est in *Dysenteria*, qua grastante adeo copiose præscribitur, ut pharmacopia hoc remedio plerumque evacuentur. Materiam enim expellit morbificam & simul necat contagium, sine dubio animatum.

In *Febribus Criticis*, *Intermittentibus* & *Exacerbantibus*, ad purificandas primas vias apud nos & exterios frequentissime usurpatum, maxime ante usum pulveris Chianæ, quo felicius vires suos exserat.

Adversus *Leucorrhœam* eandem laudat N. D. Præses in sua materia medica.

In *Menorrhagia* seu *Hæmorrhagia uteri* summo eandem successu adhibuit Medicus S:æ R:æ M:s D. Doct. Nicol. Dahlberg, ad tertiam aut quartam grani partem, hora

hora quavis tertia aut quarta datam. In *Tussi catarrhale & phthisica* etiam eandem extollit in Actis Academiae Regiae Scientiarum Holm. pro A:o 1770. p. 316. Vir amplissimus eandem laudibus effert, eo quod expectoratio reddatur facilior, unde morbus mitigatur quamvis non purget. In *Peripneumonia & Pleuritide*, refracta dosi, maximo cum fructu Ipecacuanha commendatur.

Confirmat hanc sententiam Medicus acutissimus D. Doct. Gabr. Lund, qui simul testatur pulveris Ipecacuanha gr. *ii* aut *iii*, admixti Theriaci scrup. semis ad formam boli, quod tertia qualibet hora propinatur Phthisicis, qui *Diarrhoea colliquativa* laborant, optatum plerumque præstare effectum.

In *Tussi convulsiva* infantum, quæ ut lues epidemica semper infantibus hoc morbo nondum vexatis est contagiosa, eximium hæc etiam præstat effectum. Inter præparata, quæ ex hac in pharmacopoliis prostant, maxime commendatur Tinctura ipecacuanhae pharm. Edinb. quæ & simplici methodo est confecta & infantibus facillime ingерitur. *Dosis* est drachma quovis horæ quadrante, donec oritur vomitus. Propinetur autem infantibus, sub remissione paroxysmi. Qui curationem morbi hujus ulterius cognoscere cupit, adeat librum Archiatri p. m. Rosén von Rosenstein de morbis infantum, nec non Asesforis celebratissimi Doct. Strandbergii dissertationem de eodem morbo solidissimam, actis Academiae Regiae Scientiarum Stockholmensis Anno 1749 p. 251. inferatam.

Vermibus infantes plerumque infestantur. Symptomata, quæ hos comitantur, gravissima, non exiguum Medico solitudinem injiciunt, maxime si convulsiones simul adfuerint. Inter remedia buc usque usitata, quantum mihi notum est,

est, vix efficacius & tutius est, emetico ex Ipecacuanha, per quod dolores læpe & repente quasi cessant. Quamvis per emetica hic morbus radicalitur non tollatur, Medico tamen moram parant fortiora adhibendi anthelmintica. Sæpius observatum est, vermes per convulsionem emetico factam, ventriculum aut Intestina tenuiora deserere fuisse coactos; Interdum etiam deleterio hoc ipsis veneno, debilitati, per alvum ejectos fuisse. Vid. *Vogelii dissert. de usu Vomitivo-rum ad expellendos vermes Gott.* 1765.

In primo stadio Rubeolarum optatum quoque Ipecacuanha præbet usum, atque in Asthmae præstantissimum est remedium, si viscidum tenax pulmonem aut ventriculum gravat.

In hoc vero & ceteris emeticis usurpandis, plus sa-
ne noxæ quam utilitatis ægro adferimus, nisi natura ipsa,
sapore oris amaro, anorexia, debilitate, inquietudine,
Cephalagia & Vertigine atque ad vomitum proclivitate,
medicamentum emeticum indicaverit esse necessarium.
Plethora, emetica non nisi post venæctionem sunt præ-
scribenda; nec illis unquam porrigenda quorum consti-
tutio corporis infirma violentam evacuationem ferre ne-
quit, nec Haemoptysi laborantibus neque Herniosis &
quorum sanguis aut humores ad caput vel ad pulmones
tendent: Gravidis etiam non sine maxima circumspetio-
ne vomitoria commendamus, probe memores canonis i-
stius: *Medicamenta HEROICA, in manu imperiti,*
sunt uti gladius in dextra furiosi.

